

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj: 7/10 i 3/23) i člana 9. Pravilnika o vrstama vlastitih javnih prihoda FBiH („Službene novine Federacije Bosne i Hercegovine“, broj: 104/22) na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona na 31. sjednici, održanoj 14.06.2024. godine, d o n o s i

ODLUKU

**o davanju saglasnosti na Pravilnik o vrstama, namjeni,
načinu raspodjele i trošenja vlastitih prihoda
Kantonalni zavod za urbanizam i prostorno uređenje Zenica**

Član 1. (Predmet)

Daje se saglasnost na Pravilnik o vrstama, namjeni, načinu raspodjele i trošenju vlastitih prihoda Kantonalnog zavoda za urbanizam i prostorno uređenje u sastavu Ministarstva za prostorno uređenje, promet i komunikacije i zaštite okoline Zeničko-dobojskog kantona, broj: 12-1-11-868/24 od 11.06.2024. godine.

Član 2. (Realizacija odluke)

Za realizaciju ove odluke zadužuju se Kantonalni zavod za urbanizam i prostorno uređenje Zenica, Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

Član 3. (Stupanje na snagu)

Ova Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-11-11254/24
Datum, 14.06.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje, promet i
komunikacije i zaštitu okoline,
1x Kantonalni zavod za urbanizam i prostorno uređenje,
1x Ministarstvo finansija,
1x „Službene novine Zeničko-dobojskog kantona“,
1x a/a.

Na osnovu člana 44. u vezi sa članom 48. i članom 60. stav 4. Zakona o organizaciji organa uprave u Federaciji BiH („Službene novine Federacije BiH” broj: 35/05), te na osnovu člana 9. Pravilnika o vrstama vlastitih javnih prihoda u FBiH („Službene novine Federacije Bosne i Hercegovine” broj: 104/22) i tačke 9.6. Pravilnika o načinu uplate pripadnosti i raspodjele javnih prihoda u FBiH („Službene novine Federacije Bosne i Hercegovine” broj: 54/20, 55/20, 63/20, 88/20, 28/21, 56/21, 83/21, 01/22, 34/22, 57/22, 76/22, 93/22, 94/22, 10/23, 37/23, 81/23 i 23/24), direktor Kantonalnog zavoda za urbanizam i prostorno uređenje Zenica u sastavu Ministarstva za prostorno uređenje, promet i komunikacije i zaštitu okoline uz saglasnost Vlade Zeničko-dobojskog kantona, donosi

PRAVILNIK

o vrstama, namjeni, načinu raspodjele i trošenja vlastitih prihoda

DIO PRVI – OSNOVNE ODREDBE

Član 1.

(Predmet)

Ovim Pravilnikom uređuju se vrste, namjena, način raspodjele i trošenja vlastitih prihoda Kantonalnog zavoda za urbanizam i prostorno uređenje Zenica.

Član 2.

(Vlastiti prihodi)

Pod vlastitim prihodima Kantonalnog zavoda za urbanizam i prostorno uređenje Zenica podrazumijevaju se prihodi koje Kantonalni zavod za urbanizam i prostorno uređenje Zenica ostvari obavljanjem aktivnosti na tržištu i u tržišnim uslovima, u skladu sa kumulativno ispunjenim kriterijima utvrđenim članom 4., 5. i 6. Pravilnika o vrstama vlastitih javnih prihoda u Federaciji Bosne i Hercegovine.

Pod vlastitim prihodima ne podrazumijevaju se prihodi koje Kantonalni zavod za urbanizam i prostorno uređenje Zenica ostvari obavljanjem osnovne djelatnosti propisane Zakonom ili drugim propisima o osnivanju Kantonalnog zavoda za urbanizam i prostorno uređenje Zenica za koje stiče prihode od osnivača, a koje aktivnosti ne mogu obavljati i drugi pravni subjekti na tržištu (postoji isključivost za obavljanje aktivnosti), kao ni prihodi ostvareni u internom poslovanju između budžetskih korisnika Zeničko-dobojskog kantona, te između organizacionih jedinica budžetskog korisnika.

Član 3.

(Način uplate)

Prihodi iz člana 2. stav 1. ovog Pravilnika uplaćuju se na Jedinstveni račun Trezora Zeničko-dobojskog kantona u skladu sa tačkom 9.6. Pravilnika o načinu uplate pripadnosti i raspodjele javnih prihoda u FBiH („Službene novine Federacije Bosne i Hercegovine” broj: 54/20, 55/20, 63/20, 88/20, 28/21, 56/21, 83/21, 01/22, 34/22, 57/22, 76/22, 93/22, 94/22, 10/23, 37/23 i 81/23).

Član 4.
(Planiranje prihoda i rashoda)

Kantonalni zavod za urbanizam i prostorno uređenje Zenica je dužan na osnovu planiranih vlastitih prihoda planirati i rashode koje će pokriti iz tih prihoda.

DIO DRUGI – VRSTE VLASTITIH PRIHODA

Član 5.
(Vrste vlastitih prihoda)

U vlastite prihode koje ostvaruje Kantonalni zavod za urbanizam i prostorno uređenje Zenica, spadaju:

- prihodi ostvareni izdavanjem naučno-istraživačkih i stručnih radova; (*evidentirani na kontu 722652 – Vlastiti javni prihodi od realizacije aktivnosti naučno-istraživačkog rada, izrade elaborate, studija, evaluacija, ekvivalencije, ekspertiza i drugih stručnih usluga, tj. izrada prostornih, urbanističkih, regulacionih i drugih planova za sve općine i gradove u kantonu*)
- prihodi ostvareni od organizovanja seminara, naučnih skupova, konferencija i slično: (*evidentirani na kontu 722653 – Vlastiti javni prihodi od realizacije stručno-edukativnih aktivnosti i drugih oblika javnog istupanja*)
- prihodi ostvareni od izdavanja poslovnih prostora u zakup; (*evidentirani na kontu 722642 – Vlastiti javni prihodi od iznajmljivanja poslovnih prostora*)
- ostali prihodi (*obrada, formatiranje i publiciranje prostornih i atributivnih podataka, izrada tematskih karata i ostalih kartografskih prikaza u analognom i digitalnom formatu, izrada prezentacija, marketinškog materijala slično*) 722659 – Vlastiti javni prihodi od ostalih aktivnosti)

DIO TREĆI – NAMJENA, NAČIN RASPODJELE I TROŠENJE VLASTITIH PRIHODA

Član 6.
(Namjena korištenja vlastitih prihoda)

Vlastiti prihodi iz člana 5. ovog Pravilnika koriste se za pokriće izdataka nastalih obavljanjem poslova iz kojih proizilaze ti prihodi, a ostatak na kapitalne izdatke Kantonalnog zavoda za urbanizam i prostorno uređenje Zenica.

Član 7.

(Odgovornost budžetskog korisnika)

Kantonalni zavod za urbanizam i prostorno uređenje Zenica je odgovoran za blagovremenu naplatu potraživanja po osnovu vlastitih prihoda iz člana 5. Pravilnika, kao i poduzimanje svih mjera za njihovu realizaciji.

Član 8.

(Povrat i preknjiženje pogrešno ili više uplaćenih vlastitih prihoda)

Povrat pogrešno ili više uplaćenih vlastitih prihoda Kantonalnog zavoda za urbanizam i prostorno uređenje Zenica i preknjiženje istih vrši se u skladu sa Pravilnikom o procedurama za povrat više ili pogrešno uplaćenih javnih prihoda sa Jedinstvenog računa Trezora Zeničko-dobojskog kantona („Službene novine Zeničko-dobojskog kantona ", broj: 6/05, 8/12 i 6/23).

DIO ČETVRTI - ZAVRŠNE ODREDBE

Član 9.

(Stupanje na snagu)

Pravilnik stupa na snagu danom davanja saglasnosti od strane Vlade Zeničko-dobojskog kantona na isti.

Broj: 12-1-11-868/24
Zenica, 11.06.2024. godine

Direktor:

Refik Zeković